



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format


Adapt — remix, transform, and build upon the material

54

Зупинка
на дні.

8

9 - 27



384

ՀԱՅՐԵՆԱՍԷՐ ՏԻԿԻՆ

15797

ԹԻՖԼԻՍ

1890

8
Գ-27

2011

2003

8
9-27 97

Երևանի Համալսարան
Հ. Արաքելյան

ՏԻԿԻՆ Լ. ԳԱՆԻԷՐ

[Handwritten signature]

48

ՀԱՅՐԵՆԱՍԷՐ ՏԻԿԻՆ

Կո. 109
ՐՄԿ

157.91

(
47648
8001

ՔՐ-64581

ՀՐԱՏ. Ս. Հ. Բ. Ը. ՃԱՆՈՒՄ



ԹԻՓԼԻՉ

ՏՊԱՐԱՆ «ԱՐՐՐ» Տ. ՆԱԶԱՐԵԱՆԻ
Գոյգին. պր. եւ Ռարիստին. փող. առկին:

1890

29694-Ա.Կ.

ԱՐՏԱՏՊԱԾ «ՄՇԱԿ» ԼՐԱԳՐՈՅ

Дозволено цензурою, Тифлисъ, 1890 г. 5-го ноября.

Тип. «Ароръ». Т. Я. Назарьянъ, уг. Гол. пр. и Барятн. ул.

I

Տիկին ժերարի անունը Ալգասի ժամանակագրութեան մէջ լիշվելու արժանի է:

Ալգասցու զծագրութիւնը—բառանկիւնի գէմք, ծանրահայեաց, կապոյտ, զրաւիչ աչքեր. զլիւի շարժումաձքի մէջ մի տեսակ վստահութիւն, ազնութիւն կայ, որ զարմանալի է տեսնել ռամիկ կնոջ մէջ, որի համեստ կեանքը դաշտերումն է անցել:

Սակայն զարմանքը անհետանում է, երբ ծանօթանում էք այդ կնոջ անցեալի հետ:

Երեսուն տարեկան այրի էր նա. ունէր չորս մանկահասակ երեխայ—մի աղջիկ և երեք տղայ: Նրա ողջ հարստութիւնը Վօգեգ լեռների միջավայրում գտնվող փոքրիկ դաստակերտն էր, ուր նա սկսեց մեծ եռանդով աշխատել իր ընտանիքը կերակրելու և իր գաւակները կրթելու համար:

Նա անձամբ սկսեց իր հողի մշակութիւնը:

Նա այն անմշակ, գառիվայր և խորտուբորթ ձորը մի ուրախ, պողաբեր հովիտ դարձրեց: Մացառուտ անտառների տեղ աճեցին բեղմնաւոր գայ:

լուկ կոչված բոչսեր: Այն տեղերում, ուր առաջ վայրի թփեր էին բուսնում, նա ցանեց վուշ և ծխախոտ: Այն տեղերում, ուր առաջ մորին, կոծոխուրը և վայրի թուփը միախառնում էին իրանց անպտուղ ոստիկները, նա տնկեց խաղողի որթ: Եւ այն հողը, որ աշխատանք և անդադար հոգսցողութիւն է սլահանջում, բայց որը երէք սպերախտ չէ,—նրան առատապէս վարձատրեց: Անձնըւէր աշխատանքով և խնայողութեամբ արիաջան մայրը հասաւ իր նստատակին:

Նա իր երեք որդիերանց այնպէս էր դաստիարակել, որ նրանք հայրենիքի օգուտը ամեն բանից գերադասում էին:

Երկու մեծ որդիքը, որոնք ուսում էին առել Սեն-Սիր դպրոցի մէջ, աստիճանաւորներ էին,—Ստեփաննոսը հեծելագորքի հարիւրապետ էր, իսկ Կլոդը հետեակների լէիտինանտ. ամենից փոքրը՝ Փրանցը իր ուսումն աւարտել էր Երկրագործական դպրոցում. նա ապրում էր մօր հետ և օգնում էր նրան հողը մշակելու:

Ինչ վերաբերում է նրա մանկահասակ աղջիկ՝ գեղեցիկ Քրիստինային, նա օգնում էր մօրը տնային գործերում: Նա զուարթացնում էր տունը իր ուրախ երգերով: Նա հաւանոցի թագուհին էր, ծաղկանոցի ամենազեղեցիկ ծաղիկը. նրա շնորհով նրանց դաստակերար ուրախալի տեսարան էր ներկայացնում:

Այդ չորս զաւակները համարեա պաշտում էին

իրանց մօրը և նրա անձնուէր աշխատութեան և սիրոյ փոխարէն մատուցանում էին փոխադարձ սէր և յարգանք: Մէկ խօսքով, այս այն նահապետական ընտանիքներից մինն էր, որի նմանը միայն գեղեցիկ Ալգասում կարելի է գտնել:

Տիկին ժերարին իր ազնիւ հոգով ոչ միայն ալգասուհի կարելի էր համարել, այլ և անվեհեր հայրենասէր: Վաղուց նա ատում էր պրուսացիներին, ինչպէս ինքն էր ասում, նրանց չարութեան, կեղծաւոր խորամանկութեան և մանաւանդ նրանց յափրշտակասիրութեան համար: Սակայն այդ սխը չէր տարածվում բոլոր գերմանացիների վրա:

Քրիստինան ջերմ սրտով սիրում էր մի երիտասարդ Վիլրտենբերգցու, որ մերձակայ գործարանի պաշտօնեայ էր, և որը նրա հետ կիրակի օրերը երաժշտութեամբ էր պարսպում: Տիկին ժերարը հաւանութիւն էր տալիս այդ սիրոյն:

Երկու սիրահարները նոր էին նշանվել, երբ յանկարծ յայտնվեցաւ, թէ զարհուրելի պատերազմ է լինելու:

Կարլ Ֆորլիշը պիտի միանար Վիլրտենբերգեան զօրքի հետ: Սրտառուչ էր նրանց մնաս բարեաւր: Սիրող աղջկանը թւում էր, թէ Կարլը գնալով տանում է իր հետ նրա սիրտը:

Ո՞վ կարող էր գուշակել սկսվող պատերազմի հետեանքները:

Տիկին ժերարը հաւատացած էր, որ Փրանսիան յաղթող կը հանդիսանայ, այդ պատճառով նա չէր

խանգարում խեղճ Քրիստինային հաստատ հաւատարմութիւն պահպանել զէպի իր փեսացուն:

Թնդանօթների առաջին հարուածները որոտացին. Վալսենբերգի հարուածը Ալգասին թմրութեան մէջ գցեց:

Ուրեմն Ֆրանսիացիք կարող են յաղթված լինել:

Այդ բօթաբեր լուրը զարհուրեցրեց արիասիրտ կնոջը, որովհետև նորա երկու մեծ որդիքը Մակ-Մահօնի զօրաբաժինների մէջն էին, և շարունակում էին պատերազմը:

Օգոստոսի 7-ն էր:

Առաւօտուանից սկսած, թնդանօթը հեռաւոր փոթորկի նման անդադար որոտում էր:

Եւ ում չէ յայտնի, որ թնդանօթի իւրաքանչիւր հարուածը անթիւ զոհեր է տանում: Գուցէ վալը ընկնողը, ջարդվողը, սպանվողը մեր սրտի սիրածն է. նա խոնաւ հողի վրա ընկած է, վիրաւորված, պատառոտած, մահուան տանջանքների մէջ, առանց մնաս բարեւի, առանց մի սրտակից բարեկամի, որ կարողանար նրա ձեռքը սեղմել, նրա աչքերը փակել:

Առաւօտից տիկին ժերարը և Քրիստինան լսում էին այդ չարագուշակ որոտմունքները, ահ ու գողով նայում էին միմեանց և հալումաջ լինում: Մայրը տանջվում էր իր որդիների համար, իսկ ջահիլ աղջիկը—իր եղբայրների և փեսացուի համար:

Նոքա միշտ լրաբերների հանդէպն էին գնում և յուսարեկ սրտով կրկին լետ դառնում: Ֆրանցը Նէյվիլների զիւղաքաղաքն էր վազում և անորոշ լուրեր էր բերում: Նրբեմն ասում էին թէ Ֆրանսիացիք են յաղթվել, իսկ երբեմն էլ թէ՛ Մակ Մահօնը ջարդել է քառասուն հազար պրուսիացիներ:

Յուսոյ և յուսահատութեան այդ փոփոխականութիւնը սաստկացնում էր նրանց տանջանքը:

Երեկոյեան 9 ժամն էր: Դեռ ևս ոչ մի ճիշտ լուր չը կար, թէ և թնդանօթի որոտումն արդէն չորս ժամ առաջ էր դադարել: Կար մի յաղթութիւն և մի պարտութիւն. բայց ո՞ւմն էր յաղթութիւնը, և ո՞ւմը՝ պարտութիւնը . . .

Այդ շուտով յայտնի պէտք է լինէր:

Յանկարծ այն ճանապարհի վրա, որ տանում էր զէպի հովիտը, երևացին անհամետ և անսանձ ձիաների վրա նստած տիւրկոսներ. ապա արագաթուիչ հեծելազօրքը վազում էր Սալերնի ուղղութեամբ: Նոյն կողմն է արշաւում մարդկային մի խառնիճադանձ խումբ:

Հրացանաձիգները, հեծելազօրքը խառնափնթոր կերպով շտապում էին, միմեանց մղելով, այնպիսի մի անկարգութեամբ, որ նայողի վրա զարհուրանք էր բերում:

Դա փախուստ էր և սարսափելի փախուստ:

Չորերի միջով անցնող այս խառնաշփոթ ամբոխի կորուստը ահազին պէտք է լինէր: Կարծես թէ անսպասելի կոտորածը զարհուրանքի մէջ էր

զցել այժմ բոլոր փախստականներին: Նոքա վազում էին անխօս և աչքերը ցած գցած: Նոքա շփոթութիւնից վայր էին գցել իրանց սաղաւարտները, հրացանները, զրահները:

Հետեւակները, ձիաւորների ետեւից նստած, գրկել էին նրանց և կուչ եկել:

Կրանցից յետոյ գալիս էին թնդանօթակիր սայլակները առանց թնդանօթիների: Նրանց հետեւում էին ուրիշ սայլակներ, որոնց մէջ սլառեցրած էին վիրաւորները, մեռնողները և ծանր քնի մէջ ընկղմված, յոգնած զինուորները:

Այդ տխուր գնացքը տեւեց ամբողջ գիշեր:

Սամբողջ գիշերը տիկին ժերարը սպասեց, յուսալով որ նրա որդիները տուն կը մտնեն. բայց իզուր. նոքա չեկան:

Նա հարցնում էր զինուորներին, որոնք անդադար մտնում էին խմելիք կամ ուտելիք խնդրելու. բայց ոչ մինը չը կարողացաւ նրան տեղեկութիւն տալ, թէ ինչ եղան հեծելազօրքի և հետեւիների Յ-րդ գունդը:

Գրիստինան չէր վստահանում հարցնել, թէ արդեօք Վիւրտեմբերգցիները մասնակցել են սլառերազմին, թէ ոչ: Այժմ նա մինչև անգամ ամաչում էր հարցնել Փրանսիային յաղթողներին—գերմանացիների մասին:

Քանի գիշերը մօտենում էր, տիկին ժերարի երեսը աւելի և աւելի էր գունաթափվում: Նա չէր խօսում. նրա դաժան և անշարժ աչքերը

կարծես թէ նայում էին լեռների և մեծ անտառների միւս կողմը:

Փրանցը տեսնում էր մօր տանջանքները և ինքն էլ նոյնքան տանջվում էր:

Փրանսիան յաղթված, Ալգասը յափշտակված, —նա սարսափում էր երբ լիշում էր այդ բանը:

—Մայր, ասաց նա, երբ հայրենիքը դժբաղտութեան մէջ է, բոլոր Փրանսիացիք պէտք է գէնք վերցնեն: Եթէ թոյլ տաս, ես վաղը կերթամ պաշտպանելու մեր սիրելի Ալգասը իր յափշտակողներից:

—Լռիր, որդեակ, պատասխանեց մայրը վախեցած կերպով, —լռիր: Ո՛վ արդեօք կըլաշտպանի մեզ, եթէ դու այստեղ չըլինես:

Լուսադիմին արիւնով և ցեխով թաթախված մի զինուոր յանկարծ ներս մտաւ, և յոգնածութիւնից մարելով վայր ընկաւ:

Տիկին ժերարը մի ճիչ արձակեց: Նա ճանաչեց հարիւրապետի սպասաւորին:

Տիկինը վշտալի և աղերսալի հայեացքով վրա ընկաւ: Նա չէր համարձակվում նրանից հարց ու փորձ անել:

Զինուորը լուռ էր:

—Իմ որդիս, բացականչեց վերջապէս տիկին ժերարը:

Զինուորը խոնարհեցրեց աչքերը:

—Մեռաւ, հարցրեց նա դողդողուն ձայնով:

—Նա սլառուիւրեց ինձ իր վերջին բարեւ բերել ձեզ, պատասխանեց զինուորը:

Տիկին ժերարը կրկին խոնարհվեց դէպի վերաւորեալը:

— Իսկ Կլօդը, արտասանեց նա դժուարութեամբ:

— Նրան ես տեսայ ընկնելիս, շնչաց թուլացած գինուորը:

Խեղճ մայրը մնաց փետացած:

Յետոյ վսեմութեամբ լի շարժուածքով դառնալով դէպի իր վերջին տղան՝ ասաց հաստատուն ձայնով.

— Փրանց, վաղը դու կերթաս պատերազմ:

II

Տասն և հինգ օր անցաւ Փրեշվիլերի հարուածից լետոյ և Փրանսիան զշաց իր զլիի վրա արշաւանքի հետևանքները:

Մինչև որ թագաժառանգի գունդը անցնում էր Վօզեզ լեռները, Մեց քաղաքում Շտէինիցի և Փրիդերիկ-Վարլուսի զօրքի հետ միանալու համար, Վերդերը իջնում էր դէպի Ստրազբուրգ՝ նրան շրջապատելու:

Ամբողջ Ալզասը ալեկոծութեան մէջ էր, որովհետև ծերերը լիշում էին առաջին արշաւանքի եղեռնագործութիւնները:

Ժողովուրդը, զլուխը կորցրած, գաղթում էր դէպի մերձակայ անտառները. խանութները փակում էին, և շարժական կայքերը բարձում սալակների վրա:

Գիւղացիները ցնորուածի պէս փախչում էին, քշելով իրանց առջևից, ինչպէս Աբրահամի ժամանակը, իրանց անասուններին և աղաղակում:

— Դէպի սարը, դէպի սարը:

Վօզեզների անանցնելի ճանապարհներին երևում էին լաց եղող կանայք, լոգնած, ուշաթափ,

ամեն քայլափոխում վաչը ընկնող երեխաներ, դաժան դէմքերով աղամարդիկ:

Երեկոյեան հինգ ժամն էր: Արևը զեզեցիկ ճառագայթներով Նէիվելերի թարմ հովիտների վրա լոյս և ստուեր էր սփռում:

Ի՛նչ խաղաղութիւն:

Կարծես թէ դաստակերտը դատարի էր:

Քրիստինայի՝ գոյնզգոյն ծաղիկներով լի ծաղկանոցում բուրում էր նարգիսի, մեխակի, երամի և այծձօրուքի հոտ:

Մի քանի հաւեր, բագումը, արագ-արագ կրացահարում էին զանազան փշրանքներ. մի աշխոյժ և հպարտ աքաղաղ հնչեցնում էր իր սրածայն ծուղրուղուն:

Բլուրների վրա արածում էին շիկագոյն կովեր. դաշտը, իր ուռենիներով և սօսիի ծառերով, փայլում էր ոսկենման և պարզ գոյնով:

Այգալիսի ուրախ և խաղաղ տեսարանի առջև ինչպէս կարելի էր երևակայել, թէ մի քանի մղոն հեռու տեղի են ունեցել զարհուրելի պատերազմ, սարսափելի տանջանքներ . . .

Ի՛նչպէս երևակայել, որ այգալիսի խաղաղ կտուրի տակ մարդու սիրտը կարող է սարսափելի կերպով տանջվել:

Փրաւեցը զնացել էր: Նա մտել էր կամաւոր հրացանաձիգների գնդի մէջ:

Տիկին ժերարը ուղարկել էր Քրիստինային մի բարեկամի մօտ, որ բնակվում էր Վօգեզների գա-

ււիվայրում դանված գիւղերից մէկում: Ինքն էլ միաշնակ էր մնացել դաստակերտում:

Ատում էին թշնամին թալանել է Նէիվելեր գիւղաքաղաքը և մօտենում է:

Տիկին ժերարը շատ շփոթված էր: Խօսում էին կամաւոր հրացանաձիգների և պրուսացիների մէջ, մօտակայ անտառներում, անցեալ զիշեր պատահած պատերազմի մասին:

Ժամանակ առ ժամանակ նա մօտենում էր դրան շէմքին, ականջ էր դնում և կարծես իր հայեացքով ինչ որ բան էր հորցնում ծառերով պսակված լեռնագագաթներին և այն ճանապարհին, որ տանում էր դէպի գիւղաքաղաքը:

Յանկարծ նա լսեց մի ինչ որ խուլ ձայն: Շուտով նա տեսաւ սրածայր սաղաւարտներ, որոնք փայլեցին ճանապարհը շրջապատող ծառերի միջից:

Նոքա գալիս էին:

Տիկին ժերարը սպասում էր նոցա անվրդով:

Եկողը հեծալագօրքի դուռնն էր:

Նախ երկու զինուոր դիմեցին դէպի բնակարանը: Նրանց ձիաների սանձերը արձակ էին, փետուրները ծածանում էին, սուրերը մերկ, աչքերը կտրմրած, սարսափելի:

Տիկին ժերարը մնաց ոտքի վրա կանգնած, անշարժ:

— Ի՛նչ էք կամենում, հարցրեց նա ձիուց ցած իջնող օֆիցերին:

— Ի՛նչ եմ կամենում . . . պատասխանեց նա

գեղեցիկ Ֆրանսերէնով. ես կամենում եմ տեղա-
ւորել այստեղ իմ գունդը: Մենք քաղցած ենք,
մեզ լաւ ճաշ բերէք. շուտ:

—Ես ձեզ ոչինչ չեմ տայ, սլատասխանեց
հպարտութեամբ ազնիւ կինը: Գուք տէր էք, վեր-
ցրէք:

—Օհո, եթէ դուք մեզ հետ այդ կերպ կը խօ-
սէք, լաւ չի լինիլ. զգոյշ կացէք: Մեզ ասացին, որ
այստեղ գտնվում են կամաւոր հրացանաձիգներ:

—Ոչ. չը կան. փնտռեցէք:

—Գուք անշուշտ տեսած կը լինէք նոցա մօ-
տակայ անտառներում:

—Ես չեմ տեսել:

Նոյն վայրկեանին դաստակերտը շրջապատող
լեռնազագաթներից լավեց հրացանների ձայն:

—Գուք խաբում էիք, բացականչեց աստիճա-
նաւորը իր ատրճանակի փողը մեկնելով դէպի տի-
կին ժերարի կուրծքը:

Նրա դէմքը խոթուվեցաւ:

—Ո՛րքան են, գոչեց աստիճանաւորը. ասացէք:

Նա չը պատասխանեց:

Բայց հեծելազօրքը արդէն մօտենում էր և
շրջապատում անտառները:

Օրը մթնում էր: Ամենայն կողմից լավում էր
թնդանօթի որոտ:

Տիկին ժերարը սարսափելով էր լսում այդ որո-
տը: Թնդանօթի իւրաքանչիւր թնդիւնը արձագանք
էր գտնում նրա սրտի մէջ:

Յանկարծ նա նկատեց մարդկանց ստուերներ,
որոնք անցնում էին գալլուկ բոյսերի միջով և զգու-
շութեամբ մօտենում:

—Մայր, ասաց մի ձայն:—Մենք ենք:

—Մտէք, շուտ, սլատասխանեց նա:

Բառասուն տղամարդ մտան դաստակերտը, մէ-
կը միւսի յետևից:

Մի վայրկեանում դիմադրութիւնը պատրաստ էր:
Նոքա ժողովեցին սայլեր, երկրագործական գործիք-
ներ, մահճակալներ, կահկարասիք և շինեցին մի
բարձր պատնէշ: Գուների և փեղկերի մէջ ծակեր
բաց արին:

Եւ սպասեցին:

Լուսինը գանդաղ կերպով բարձրանալով լեռ-
ների միջով, հրեղէն գնդի նման լուսաւորեց հո-
վիտը:

Հեծելազօրքը, որ ցրիւ էր եկել կամաւորների
հրացանների ձայնից, կրկին խմբվեց և շտապով
վերագառնում էր դէպի դաստակերտը:

Սկսվեց մի սարսափելի, շատ սարսափելի յար-
ձակումն:

Պատնէշը ոչնչացրին: Ծակված դռները և փեղ-
կերը թող էին դիմադրութեան համար: Գուցէ շուտով
դաստակերտը աւերվէր և կամաւոր հրացանաձիգները
գերի պիտի ընկնէին կատաղի թշնամու ձեռքը:

Տիկին ժերարը ներկայ էր և անվեհերու-
թեամբ սպասում էր այդ կուրի վախճանին:

Այս կուրը անօգուտ գտնելով՝ մի քանիսը ա-

ուջարկեցին անձատուր լինել:

—Անձնատուր լինել, գոչեց տիկինը,—Երբէք: Ուրեմն դուք չէք ճանաչում նրանց: Նրանք ոչ պատիւ ունին, ոչ խիղճ. ձեզ կը սպանեն: Ոչ, ոչ, փախէք, այն կողմը փախէք:

Այդ ետեւից մի անցք բացանելով, նա վերցրեց խոտի խուրձեր, նոցանից մի խարուկ շինեց և վառեց:

—Փախէք, կրկնեց նա:

Եւ նա իր դաստակերտը կրակ տուաւ, այն դաստակերտը, ուր դտնվում էին, նրա քսան տարվայ աշխատանքի և խնայողութեան պտուղները, նրա բոլոր լիշատակները:

Հրդեհը կանգնեցրեց թշնամուն:

Բայց կամաւոր հրացանաձիգները, որոնք այդպիսի հերոսութեան շնորհով փրկվեցին, մի քանի օրեց յետոյ գերի ընկան հեծելազօրքի ձեռքը:

Նրանց երկար դիմադրութիւնից զայրանալով, պրուսացիները գործ դրեցին մի անգուլթ վրէժ-խընդրութիւն . . .

Երբ նրանք հեռացան Նէիվելերից, տիկին ժերարը, որ պատասխարված էր Քրիստինայի մօտ, նրա հետ միասին վերադարձաւ դաստակերտը:

Երբ նրանք մօտենում էին՝

—Նայիր, ասաց Քրիստինան սեղմվելով մօր կրծքին,—այն ինչ է ճանապարհի մօտ: Կարծես թէ զինուորներ են: Արդեօք պրուսացիք են, թէ Ֆրանսիացիք: Ի՞նչպիսի անշարժութիւն: Եւ ի՞նչ զարմանալի բան. նրանց ոտները զետնին չեն կպչում:

Տիկին ժերարը դողդողջիւն սրտով, վախից չուած աչքերով, նայում էր առանց սլատասխանելու:

Ճշմարիտ, այդ ի՞նչ կը նշանակէ:

Փոքր ինչ մօտենալով, նրանք ճանաչեցին կամաւոր հրացանաձիգների նշանագգեստները:

Նրանք շտապեցին:

Զարհուրանք . . . Այդ կախված դիակներ էին: Նրանց կապտագոյն, արիւնալից երեսները զարհուրելի կերպով ալլանդակված էին:

Վայրենիները նախ քան կը կախէին կամաւոր հրացանաձիգներին, կտրտել էին նրանց թթերը և ականջները, և դրել ճանապարհի սփին, որպէս օրինակ անցորդների համար *:

Այդ սարսափելի տեսարանի առջև, տիկին ժերարը մի խօսք անգամ չը կարողացաւ արտասանել: Զարհուրելի վշտերից նրա կոկորդը սեղմվում էր: Նա խելագարի նման վազում էր մէկ դիակից դէպի միւսը, աշխատելով ճանաչել ալլանդակ դիակների մէջ իր որդուն, իր սիրելի Ֆրանցին:

Նա վերջինն էր անբախտ կախվածների շարքում:

Այն ժամանակ կատաղաբար բռնելով իր աղջկայ ձեռքը՝ տիկին ժերարը ասաց.

—Երբէք, լսում ես, Քրիստինա, երբէք չես ամուսնանայ այս բարբարոսներից մէկի հետ: Ես աւելի լաւ կը համարեմ քեզ մեռած տեսնել, քան թէ ամուսնացած մէկ գերմանացու հետ . . .

82-620-58
130051
34674
1001

* Այդ հրեշտուր դէպքը ճշմարիտ պատահել է Ալլանում:

III

Համարեա երկու տարի էր անցել պատերազմից:

Գազանային, կատաղի յաղթութեան շնորհով, հոգով Փրանսիական Ալգասը դարձաւ գերմանական երկիր:

Գարշելի յաղթողը ի չար գործ գրեց իր ուժը, ստիպելով իր նոր հպատակներին ընտրութիւն անել՝ կամ մնալ Փրանսիացի և հեռանալ Ալգասից, կամ դառնալ գերմանացի և մնալ այնտեղ:

Տիկին ժերարը աւելի Փրանսուհի է, քան ալ-գասուհի: Երբէք նա պրուսիացի չի լինիլ: Երբէք նա այդ ատելի անունը չի կրիլ:

— Հարկաւ, ասում էր նա, Ալգասում պիտի մնան մի քանի Փրանսիացիք, որ Ալգասը լինի Պրուսիայի կողքին կպած մի աւելորդ մարմին, որ պէս զի վրէժխնդրութեան օրը բոլոր ալգասցիք ոտքի կանգնեն ճնշողի դէմ: Բայց ես չեմ կարող մնալ, որովհետև անկարող կը լինեմ ատելութիւնս թագցնել:

Ուրեմն նա պիտի թողնէր իր դաստակերտը: Նա պիտի ծախէր այն հողը, որ մշակել էր քսան տարի շարունակ, այն ծառերը, որ տնկել էր, այն դաշտերը, որ սլարարտացրել էր այնքան դժուարութեամբ: Նրա կարծիքով, այդ գեղեցիկ հովիտը զարհուրելի էր այն օրուանից, երբ պրուսական հող էր դարձել: Նա չեր կարող այնտեղ բնակվել, այնտեղ ապրել, մանաւանդ որ նա լի էր իր զաւակների լիշատակներով, որոնցից չէր մնացել և ոչ մինը:

1872 թւականի հոկտեմբեր ամսվայ առաջին օրերն էին:

Այն դաստակերտը, որ երբեմն այնպէս հաճույական էր, որի բարձր ծառերի տակ ծածկված էր խորհրդաւոր բախդաւորութիւն, մնացել էր այնպէս, ինչպէս էր պատերազմի միւս օրը: Նա աւերակների և անկարգութիւնների մի տեսարան էր միայն ներկայացնում:

Հայրենասէր տիկինը, իր հեռանալը այբի առաջ ունենալով, չուզեց ոչինչ նորոգել:

Քանզված կտուրը թեքված էր: Կիսաւեր պատերի միջից երևում էր տան ներսը:

Հաւանոցը դատարկ էր: Ագռաւը ժամանակ առ ժամանակ արձակում էր այդ խորին լուութեան մէջ իր տխուր աղաղակը:

Ծաղկանոցը աւերված էր:

Տիկին ժերարը մի ծեր սպասաւորի օգնութեամբ գնալու պատրաստութիւններ էր տեսնում:

Նա հաւաքել էր ամբարի մէջ այն կարասիքը

և իրեղէնները, որոնք հրդեհից ազատված էին, որովհետև դաստակերտի միայն կէսն էր աւերված:

Ի՞նչպիսի փոփոխութիւն էր նկատվում այն դէմքի վրա, որ առաջ այնպէս սարգ և գեղատեսիլ էր: Նրա հայեացքը մռայլ էր և վայրենի: Երևում էր, որ նա պահպանել է անցած զարհուրանքի արտայայտութիւնը:

Առաջվայ սարգ և հանդարտ ճակատի վրա նկատելի էր մի խորին, վշտակիր կնճիռ: Բերանի երկու կողմը կազմված էր դառնութեամբ և տանջանքով լի մի զիծ:

Այնուամենայնիւ քաջ կինը այնքան վշտերից էլ ընկճված չէր: Ընդհակառակը, կարծես թէ նրա մէջքը աւելի ուղիղ ձև էր ստացել և նա իր զլուխը այնպէս էր բռնում, որ ցոյց էր տալիս այդ կնոջ անվեհեր բնաւորութիւնը:

Երեկոյ էր: Երկինքը մոխրագոյն: Անձրևը անդադար զալիս էր: Քամին սաստիկ փչում էր:

Դուռը ծեծում էին:

Ո՞վ կարող էր, արդեօք, գալ այդ աւերված դաստակերտը այդպէս ուշ, և այդպիսի վատ եղանակին:

— Բացէք, Յովսէփ, ասաց տիկին ժերարը:

Յովսէփը բացեց:

Մի շէկ մարդ երևաց շէմքի վրա:

— Տիկին ժերար, բացականչեց նա:

Եւ նա մօտեցաւ, ձեռքերը մեկնած, որ նրան համբուրէ:

Բայց տիկին ժերարը իր հպարտ, սքանչելի

հայեացքով կանգնեցրեց նրան իր տեղը:

— Ի՞նչու էք եկել, հարցրեց նա:

— Ես եկել եմ պահանջելու, որ կատարէք ձեր խոստմունքը:

— Ի՞նչ խոստմունք:

— Չէք ճանաչում Կարլ Փորլիշին:

— Ես զիտեմ ձեր անունը, բայց ձեզ չեմ ճանաչում: Դուք գերմանացի էք, և երբէք, լսում էք, երբէք ես ձեռք չեմ տալ մի գերմանացու:

— Բայց Քրիստինան ինձ կը ճանաչի: Քրիստինան շարունակում է ինձ սիրել, ես հաւատացած եմ: Քրիստինա: Ո՞րտեղ է Քրիստինան:

— Դուք կամենում էք նրան տեսնել:

— Օհ, այո՛, շուտով: Ես սիրում եմ նրան. ես չեմ դադարել նրան սիրելուց, միշտ մտածել եմ նրա մասին, թէև նա իմ նամակներիս պատասխան չէ տուել: Նայեցէք, իմ կրծքին կրում եմ նրա թանգսզին պատկերը և ահա այն „լիշատակի ծագիկը“, որ ինձ տուեց իմ գնալու օրը:

— Շատ լաւ: Դուք նրան կը տեսնէք: Եկէք:

Նա բացեց ամբարի փոքրիկ դուռը:

Դա մի մթին տեղ էր, ուր Կարլ Փորլիշը նկատեց երեք մետաղեայ երկայն սնդուկներ: Նոցանից մէկի վրա դրած էր սպիտակ, թառամած վարդերից շինած մի սլոակ:

Այդ երեք դագաղների առջևը մի լապտեր էր վառվում:

— Բայց Քրիստինան, ես չեմ տեսնում Քրիստի-

նաին, վախեցած և խեղդած ձայնով բացականչեց երիտասարդը:

—Նա այնտեղ է, ասաց տիկին ժերարը, ցոյց տալով այն դադաղը, որի վրա դրած էր պսակը: Նա ձեզ սիրում էր, բայց իր հայրենիքը գերագասնց ձեզանից: Նա դրանից էլ մեռաւ: Իսկ ես բաղդաւոր եմ, որ նրան տեսնում եմ մեռած, քանի թէ մի գերմանացու տուած: Հասկանում էք, արդեօք, Կարլ Ֆորլիշ:

Կարլը հեկեկալով ծունգ չոքեց իր հարսնացուի դադաղի առջև:

—Իմ չորս որդիքս մեռան,—խուլ և դողողջիւն ձայնով շարունակեց տիկինը: Գերմանացիք սպանեցին նրանց: Բայց նրանք չը բաւականացան՝ որ որդոցս խլեցին, նրանք յափշտակեցին և իմ հայրենքս, այն հողը, որտեղ թաղված են նախնիքներս, որտեղ ես ծնվել եմ, որտեղ ես ապրել եմ և որտեղ յոյս ունէի մեռնելու: Ոչ միայն ես չէի կամենում, որ Քրիստինան ամուսնանայ գերմանացու հետ, այլ և չեմ կամենում, որ նրա ոսկորները հանգստանան սլրուսական հողի վրա: Այս երկրորդ դադաղը սլրուսական է իմ խեղճ Փրանցի մարմինը. այս միւսը՝ իմ ամուսնու ոսկորները: Ես պիտի տանեմ ինձ հետ այս սուրբ մասունքները *:

* Բաղմաթիւ են այդպիսի օրինակներ: Չառ տեղերում գաղթականները հասել ևս իրանց մեռելներին՝ իրանց հետ տանելու համար:

—Իսկ ինչ որ վերաբերում է իմ մնացած երկու զաւակներին, որոնց մարմինը ես չը կարողացայ գտնել, թող նրանց արիւնը սրսկի նրանց սպանողների գլխին: Իմ Ալքասեան հայրենիքում մնացած նրանց ստուերներից թող դուրս գայ մի վրիժա հան:

Կարլը վեր կացաւ: Լսելով տիկին ժերարին, նա շատ յուզվեց:

—Գուք իրաւունք ունէք ատել Պրուսիան, ասաց նա,—ես էլ ձեզ պէս ատում եմ այդ նոյն Պրուսիան: Ես ատում եմ նրան՝ նրա հարստահարութեան, նրա յափշտակասիրութեան, նրա չարագործութեան համար: Մի՞թէ մենք, վիւրտեմբերգցիներս, զոհված ժողովուրդ չենք: Բոլոր գերմանացիք, տիկին, պրուսացիներ չեն: Գերմանիայում ահագին կուսակցութիւններ կան, որոնք սլատրաստվում են Պրուսիայի ատելի լուծից ազատվելու: Եւ երբ արդարագատութեան օրը կը մօտենայ, այն սարսափելի օրը, երբ Ալքասը կապտամբվի, ես, այն, ես ևս կը լինեմ այն վրիժահանների մէջ, որոնց դուք փափագում էք: Երգվում եմ Քրիստինայի դիակի վրա: Այժմ թող կը տաք ինձ, ձեզ մայր կանչել:

Լսելով Կարլի այդ խօսքերը, տիկին ժերարը զգաց մի վայրկեան իր ատելութեան նուազումը: Նրա դէմքը փոխվեց և նրա մեղմացած աչքերից սկսեցին արտասուքներ թափվել:

Այդ առաջին արտասուքներն էին, որ նա թափեց իր որդիների մահից և հայրենիքի դժբախտութիւնից յետոյ:

Կարլը կարծեց, որ յաղթել է: Նա կրկին ձեռք մեկնեց նրան:

Բայց տիկին ժերարը չընդունեց:

— Ի սէր Աստուծոյ, աղաչում էր Կարլը, տուէք ինձ ձեր ձեռքը որ իմ վիշտը այնքան դճուն չը լինի, որ իմ Քրիստինայի կորստեան վիշտը մեղմանայ:

— Այն օրը, երբ Ալգասը վերագարձրած կը լինի Ֆրանսիային, պատասխանեց Հայրենասէր կինը, — այն օրը միայն ես կարող եմ ձեր ձեռքը սեղմել, այն օրը միայն Ֆրանսիացիք կարող են գերմանացոց հետ հաշտվել:

Վ Ե Ր Զ



Լ ո լ ո տ ե ո ա ն

ԱՅՆՏԵՂ ԵՒ ԱՅՍՏԵՂ, Փ. Արծրունու . . . 10 Կ.
ՄՏԷԻ ՄՇԱԿԸ, Խ. Մալումեանի 50 Կ.
ՀԱՅՐԵՆԱՍԷՐ ՏԻԿԻՆ, Գրաստերէնից Թարգմանից
Օրհորդ Փ. Յ.

ԳԻՆԸ 5 ԿՈՊԵԿ

Գիմել այս հասցեով

ԹԻՖԼԻՍ

Խ. Մալումեան

